

## 分別經

佛言：唯有道德，可以久保。吾前世時，亦更爲人償債。奴婢、男子、父母，不可稱數，皆有一時之緣，難可免脫。至今得道，現我父母皆先世道德之緣，不由償債。父母世世放捨，使我學道，累功精進，今成得佛，皆是父母之恩。人欲學道，不可不精進孝順。一墮失人種，累劫不復。

## 大乘修行菩薩行門諸經要集

於師、僧、父母，心爲卑下。用少功力，獲大深法。隨所記念，法入心耳。若貢高我慢，不伏師、僧、父母，當知是人已被魔鉤之所鉤著。